

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1983

T9100/2745.



新聞齋

東坡先生集

卷之四

晉張華著

博物志

快閣藏板


博物志叙

哈佛大學漢和
圖書館珍藏印

史稱張華讀書三十車作博物
志四百武帝以爲繁存十卷今
讀其書雖多奇聞異事而簡略
不成大觀豈書傳旣久殘闕處
多耶抑或繁非能博博不在繁

耶辨龍鮓識劍氣定有一段不
經人見之學問附于書以傳一
讀再讀令人悔武帝之芟除而
思有以觀其全也

新都唐琳玉林父識



博物志目錄

卷一

地理略自魏氏日已前夏禹治四方而制之

地

山

水

山水總論

五方人氏

物產

卷二

外國

異人

異俗

異產

卷三

異獸

異鳥

異蟲

卷四

異魚

異草木

物性

物理

物類

藥物

藥論

食忌

藥術

戲術

卷五

方士

服食

辯方士

卷六

人名攷

文籍攷

地理攷

典禮攷

樂攷

服飾攷

器名攷

物名攷

卷七

異聞

卷八

史補

卷九

雜說上

卷十

雜說下

博物志卷之一

晉

張華撰

明

唐琳校

余視山海經及禹貢爾雅說文地志雖曰悉備各有所不載者作略說出所不見麤言遠方陳山川位象吉凶有徵諸國境界犬牙相入春秋之後金相侵伐其土地不可具詳其山川地澤略而言之正國十二博物之十一覽而鑒焉

地理略自魏氏日已前夏禹治四方而制之

河圖括地象曰地南北三億三萬五千五百里地部之位起形高大者有崑崙山廣萬里高萬一千里神物之所生聖人仙人之所集也出五色雲氣五色流水其泉南流入中國名曰河也其山中應於天最居中八十城布繞之中國東南隅居其一分是奸城也

中國之城左賓海右通流沙方而言之萬五千里東至蓬萊西至隴右右跨京北前及衡岳堯舜土萬里時七千里亦無常隨德劣優也

堯別九州舜爲十二

秦前有藍田之鎮後有胡苑之塞左嶠函右隴蜀西通流沙險阻之國也

蜀漢之土與秦同城南跨邛笮北阻褒斜西卽隈礙隔以劔閣窮險極峻獨守之國也

周在中區西阻嶠谷東望荆山南面少室北有太嶽三河之分雷風所起四險之國也

魏前枕黃河背漳水瞻王屋望梁山有藍田之寶浮池之淵

趙東臨九州西瞻恒嶽有沃瀑之流飛壺井陘之險
至於穎陽涿鹿之野

燕却背沙漠進臨易水西至君都東至於遼長蛇帶
塞險陸相乘也

齊南有長城巨防陽關之險北有河濟足以爲固越
海而東通於九夷西界岱嶽配林之險坂固之國
也

魯前有淮水後有岱嶽蒙羽之向洙泗之流大野廣
土曲阜尼丘

宋北有泗水南迄睢澗有孟諸之澤碭山之塞也

楚後背方城前及衡嶽左則彭蠡右則九疑有江漢
之流實險阻之國也

南越之國與楚爲鄰五嶺已前至於南海負海之邦
交趾之士謂之南裔

吳左洞庭右彭蠡後濱長江南至豫章水戒險阻之
國也

東越通海處南北尾閭之間三江流入南海通東治
嵩海深險絕之國也

衛南跨於河北得洪水南過漢上左通魯澤右指黎

山

讚曰

地理廣大 四海八方 遐遠別域 略以難詳

侯王設險 守固保疆 遠遮川塞 近備城堙

司察奸非 禁禦不良 勿恃危阨 恣其淫荒

無德則敗 有德則昌 安屋猶懼 乃可不亾

進用忠直 社稷永康 教民以孝 舜化以彰

地

天地初不足故女媧氏練五色石以補其闕斷鼇足

以立四極其後共工氏與顓頊爭帝而怒觸不周

之山折天柱絕地維故天後傾西北日月星辰就

焉地不滿東南故百川水注焉

崑崙山北地轉下三千六百里有八玄幽都方二十

萬里地下有四柱四柱廣十萬里地有三千六百

軸犬牙相舉

泰山一曰天孫言爲天帝孫也主召人魂魄東方萬

物始成知人生命之長短

考靈耀曰地有四遊冬至地上北而西三萬里夏至
地下南而東三萬里春秋二分其中矣地常動不
止譬如人在舟而坐舟行而人不覺七戎六蠻九
夷八狄形總而言之謂之四海言皆近海海之
晦昏無所覩也

地以名山爲輔佐石爲之骨川爲之脉草木爲之毛
土爲之肉三尺以上爲糞三尺以下爲地

山

五嶽華岱恒衡嵩

北太行山而北去不知山所限極處亦如東方
知所窮盡也

石者金之根甲石流精以生水水生木木含火

水

漢北廣遠中國人尠有至北海者漢使驃騎將軍霍

去病北伐單于至瀚海而還有北海明矣

周日用
曰余聞

北海言蘇武牧羊之所去年德甚邇祇一池號北
海蘇武牧羊常在於是耳此地見有蘇武湖非此

漠之
海

漢使張騫渡西海至大秦西海之濱有小崑崙高萬

伊方八百里、東海廣漫、未聞有渡者、
南海短狹、未及西南夷以窮斷、今渡南海、至交趾者、
不絕也。

史記封禪書云、威宣燕昭遣人乘舟入海、有蓬萊方
丈瀛州三神山、神人所集、欲採仙藥、蓋言先有至
之者、其鳥獸皆白、金銀爲宮闕、悉在渤海中、去人
不遠。

四瀆、河出崑崙墟、江出岷山、濟出王屋、淮出桐柏、
入流亦出名山、渭出鳥鼠、漢出嶓冢、洛出熊耳、涇出

少室、汝出燕泉、泗出涪尾、沔出月台、沃出太山、水
有五色、有濁、有清、汝南有黃水、華山有黑水、汧水
淵、或生明珠、而岸不枯、山澤通氣、以興雷雲、氣觸
石、膚寸而合、不崇朝以雨。

江河水赤、名曰泣血、道路涉骸於河、以處也。

山水總論

五嶽視三公、四瀆視諸侯、諸侯賞封內、名山者通靈、
助化位相亞也、故地動、臣叛、名山崩、王道訖、川竭、
神去、國隨、亾海、投九仞之魚、流水涸、國之大誠

也。澤浮舟。川水溢。臣盛君衰。百川沸騰。山冢卒崩。高岸爲谷。深谷爲陵。小人握命。君子陵遲。白黑不別。大亂之徵也。

援神契曰。五嶽之神聖。四瀆之精仁。河者水之伯。上應天漢。太山。天帝孫也。主召人魂。東方萬物始成。故知人生命之長短。

五方人民

東方少陽。日月所出。山谷清。其人佼好。食黑水。飲水。西方少陰。日月所入。其土窈冥。其人高鼻深目。食水。

南方太陽。土下水淺。其人大口多傲。

北方太陰。土平廣深。其人廣面縮頸。

中央四析。風雨交。山谷峻。其人端正。

東南之人食水產。西北之人食陸畜。食水產者。龜蛤螺蚌。以爲珍味。不覺其腥臊也。食陸畜者。狸兔鼠雀。以爲珍味。不覺其膾也。

有山者採。有水者漁。山氣多男。澤氣多女。平衍氣仁。高陵氣犯。叢林氣蹙。故擇其所居。居在高中之平。下中之高。則產好人。

居無近絕溪羣冢狐蟲之所近此則死氣陰匿之處也

山居之民多癭腫疾由於飲泉之不流者今荆南諸山郡東多此疾瘡由踐土之無鹵者今江外諸山

縣偏多此病也

盧氏曰不然也在山南人有之北人及吳楚無此病蓋南出黑水水

上然也如是不流泉非界尤無此病也

物產

地性含水上山泉者引地氣也山有沙者生金有穀者生玉名山生神芝不死之草上芝爲車馬中芝

爲人形下芝爲六畜土山多雲鐵山多石五上所宜黃白宜種禾黑墳宜麥黍蒼赤宜菽芋下泉宜稻得其宜則利百倍

和氣相感則生朱草山出象車澤出神馬陵出黑丹阜出土怪江南大貝海出明珠仁主壽昌民延壽命天下太平

名山大川孔穴相內和氣所出則生石脂玉膏食之不死神龍靈龜行於穴中矣

神宮在高石沼中有神人多麒麟琪芝神草有英泉

飲之服三百歲乃覺不死去瑯琊四萬五千里
三珠樹生赤水之上

員丘山上有不死樹食之乃壽有赤泉飲之不老多
大蛇爲人害不得居也

博物志卷之一 終

博物志卷之二

外國

夷海內西北有軒轅國在窮山之際其不壽者八百
歲渚沃之野鸞自舞民食鳳卵飲甘露

白民國有乘黃狀如狐背上有角乘之壽三千歲
君子國人衣冠帶劍使兩虎民衣野絲好禮讓不爭
土千里多薰華之草民多疾風氣故人不番息好
讓故爲君子國

三苗國昔唐堯以天下讓於虞三苗之民非之帝殺

有苗之民、叛浮入南海、爲三苗國、

驩。兜。國。其。民。盡。是。仙。人。帝。堯。司。徒。驩。兜。民。常。捕。海。島。

中。人。面。鳥。口。去。南。國。萬。六。千。里。盡。似。仙。人。也。

大。人。國。其。人。孕。三。十。六。年。生。白。頭。其。兒。則。長。大。能。乘。

雲。而。不。能。走。蓋。龍。類。去。會。稽。四。萬。六。千。里。

厭。光。國。民。光。出。口。中。形。盡。似。猿。猴。黑。色。

結。曾。國。有。滅。蒙。鳥。奇。肱。民。善。爲。舐。扛。以。殺。百。禽。能。爲。

飛。車。從。風。遠。行。湯。時。西。風。至。次。其。車。至。豫。州。湯。破。

其。車。不。以。視。民。十。年。東。風。至。乃。復。作。車。遣。返。而。其。

國。去。玉。門。關。四。萬。里。

羽。民。國。民。有。翼。飛。不。遠。多。鸞。鳥。民。食。其。卵。去。九。疑。四。

萬。三。千。里。

穿。曾。國。昔。禹。平。天。下。會。諸。侯。曾。稽。之。野。防。風。氏。後。到。

殺。之。夏。德。之。盛。二。龍。降。之。再。使。范。成。光。御。之。行。域。

外。既。周。而。還。至。南。海。經。房。風。房。風。之。神。二。臣。以。塗。

山。之。戮。見。禹。使。怒。而。射。之。迅。風。雷。雨。二。龍。昇。去。二。

臣。恐。以。刃。自。貫。其。心。而。死。禹。哀。之。乃。拔。其。刃。療。以。

不。死。之。草。是。爲。穿。曾。民。

交趾民在穿胃東

孟舒國民人首鳥身其先主爲雲氏訓百官夏后之世始食卵孟舒去之鳳皇隨焉

異人

河圖玉版云龍伯國人長三十丈生萬八千歲而死大秦國人長十丈中秦國人長一丈臨洮人長三丈五尺

禹致宰臣於會稽防風氏後至戮而殺之其骨專車長狄喬如身橫九畝長五丈四尺或長十丈

秦始皇二十六年有大人十二見於臨洮長五丈足迹六尺東海之外大荒之中有大人國僬僥氏長三丈時含神霧

日東北極人長九丈

東方有蟾螂沃焦防風氏長三丈短人處九寸遠夷之名雕題黑齒穿胸檐耳大竺岐首

子利國人一手二足拳反曲

無啓民居穴食土無男女死埋之其心不朽百年還化爲人細民其肝不朽百年而化爲人皆穴居處

二國同類也。

蒙雙民。昔高陽氏有同產而為夫婦，帝放之。此野相抱而死，神鳥以不死草覆之。七年，男女皆活，同頸，二頭，四手，是蒙雙民。

有一國亦在海中，純女無男。又說得一布衣從海浮出，其身如中國人，衣兩袖長二丈。又得一破船，隨波出在海岸邊，有一人項中復有面，生得與語，不相通，不食而死。其地皆在沃沮東大海中。

南海外有鮫人，水居如魚，不廢織績，其眠能泣。嘔絲之野，有女子方跪，據樹而嘔絲，北海外也。

江陵有猛人，能化為虎。俗又曰：虎化為人，好著紫葛，人足無踵。

日南有野女，羣行見丈，大狀，晶目，裸袒，無衣，禡異俗。

越之東有駭沐之國，其長子生，則解而食之，謂之宜弟。父死，則負其母而槩之。言鬼妻不可與同居。

用曰：既其母為鬼妻，則其為鬼，十亦合棄之矣。是以而蠻夷於禽獸，犬豕一等矣。禽獸犬豕之徒，猶應不

楚之南有炎人之國。其親戚死，朽之肉而棄之。然後埋其骨，乃為孝也。

秦之西有義渠國。其親戚死，聚柴積而焚之，勳之。即煙上謂之登遐。然後為孝。此上以為政，下以為俗。中國未足為非也。此事見墨子。周日用曰：此事庶幾佛國之法。且如是乎中國之徒亦如此也。

荊州極西南界至蜀諸。兵曰獠子。婦人妊娠七月而產。臨水生兒，便置水中。中浮則取養之，沈便棄之。然千百多。浮既長，皆拔去上齒牙各一，以為身飾。

母丘儉遣王領追高句麗。王宮盡沃沮。東界問其者。

老言國人常乘船捕魚。遭風吹數十日，東得一島。

上有人言語不相曉。其俗常以七夕取童女沈海。

交州夷名曰俚子。俚子方長數尺，箭長尺餘，以焦銅

為鏑。塗毒藥於鏑鋒中。人即死。不時斂藏，即膨脹

沸爛。須臾焦煎都盡，唯骨耳。其俗嘗不以此藥治

語人治之。飲婦人月水及糞汁。時有差者，唯射猪

犬者無他。以其食糞故也。焦銅者，故燒器。其長老

唯別焦銅聲，以物杵之。徐聽其聲，得焦毒者，偏鑿

取以為箭鏑

景初中蒼梧吏到京云廣州西南接交州數郡桂林
晉興寧浦間人有病將死便有飛蟲大如小麥或
云有甲在舍上人氣絕來食亾者雖復撲殺有斗
斛而來者如風雨前後相尋續不可斷截肌肉都
盡唯餘骨在更去盡貧家無相纏者或殞殮不時
有佛力者則以衣服布帛五六重裹亾
蟲便不敢近也入交界更無轉近郡亦有但微少

耳

異產

漢武帝時弱水西國有人乘毛車以渡弱水來獻香
者帝謂是常香非中國之所乏不禮其使畱久之
帝幸上林苑西使于乘輿聞并奏其香帝取之看
大如燕卵三枚與棗相似帝不悅以付外庫後長
安中大疫宮中皆疫病帝不舉樂西使乞見請燒
所貢香一枚以辟疫氣帝不得已聽之宮中病者
登日並差長安中百里咸聞香氣芳積九月餘日

香猶不歇。帝乃厚禮發遣，餞送。

一說漢制獻香不滿斤。西使臨去，乃發香氣如大豆者，拭著宮門，香氣聞長安數十里。經數日乃歇。

漢武帝時，西海國有獻膠五兩者。帝以付外庫。餘膠半兩，西使佩以自隨。後從武帝射於甘泉宮。帝弓弦斷，從者欲更張。西使乃進，乞以所送餘香膠續之。座上左右莫不怪。西使乃以口濡膠，為以任斷弦兩頭相連。注弦遂相著。帝乃使力士各引其一頭，終不相離。西使曰：可以射。終日不斷。帝大

左右稱奇，因名曰續弦膠。

周書曰：西域獻火浣布。昆吾氏獻切玉刀。火浣布汗則燒之，則潔。刀切玉如臍布。漢世有獻者，刀則未聞。

魏文帝黃初三年，武都西都尉王褒獻石膽二十斤，四年獻三斤。

臨邛火井一所，從廣五尺，深二三丈，井在縣南百里。昔時人以竹木投以取火。諸葛丞相往視之，後火轉盛，熱盆蓋井上，煮鹽得鹽。人以家火即滅。訖今

不復燃也。酒泉延壽縣南山名火泉。出如炬。

徐公曰：西域使王暢說石流黃。出足彌山，去高昌八百里。有石流黃數十丈，從廣五六十畝，有取流黃，晝視孔中上狀如煙，而高數尺，夜視皆如燈光明，高尺餘，暢所親見之也。言時氣不和，皆往保此山。

博物志卷之一

終

博物志卷之三

異獸

漢武帝時，大苑之北，胡人有獻一物，大如狗，然聲能驚人，鷄犬聞之皆走，名曰猛獸。帝見之，怪其細小，及出苑中，欲使虎狼食之。虎見此獸，卽低頭著地，帝爲反觀，見虎如此，欲謂下頭作勢，起搏殺之。而此獸見虎甚喜，舐唇搖尾，徑往虎頭上立，因搯虎面，虎乃閉目低頭，匍匐不敢動，搯鼻下去，下去之後，虎尾下頭去，此獸顧之，虎輒閉目。

後魏武帝伐冑頓，經白狼山，逢師子，使人格之，殺傷甚衆。王乃自率常從軍數百，擊之。師子哮吼奮起，左右咸驚。王忽見一物，從林中出，如狸，起上王車。輒，師子將至，此獸便跳起在師子頭上，卽伏不敢起。於是遂殺之，得師子一，還來至洛陽三千里。鷄犬皆伏，無鳴吠。

九真有神牛，乃生谿上，黑出時共鬪，卽海沸。黃或出鬪岸上，家牛皆怖，人或遮則霹靂，號曰神牛。

昔日南貢四象，各有雌雄，其一雄歿於九真，乃至古海百有餘日，其雌塗土著身不飲食，空草長，史問其所以，聞之輒流涕。

越雋國有牛，稍割取肉，牛不死，經日肉生如故。大宛國有汗血馬，天馬種，漢魏西域時有獻者。文馬赤鬣，身白，似若黃金，名古黃之乘，復薊之露犬也，能飛食虎豹。

蜀山南高山上，有物如獼猴，長七尺，能人行，健走，名曰猴。猥一名化，或曰猥，猥同行道，婦女有好者，輒盜之以去，人不得知，行者或每遇其窟，皆以長繩

相引，然故不免。此得男女氣，自死，故取男也。取去
爲室家，其年少者，終身不得還，十年之後，形皆類
之，意亦迷惑，不復思歸。有子者，輒俱送還其家，產
子皆如人，有不食養者，其母輒死，故無不敢養也。
及長，與人無異，皆以楊爲姓。故今蜀中西界，多謂
楊率，皆猥獮化之子孫。時時相有，猥爪者也。
小山有獸，其形如鼓，一足如蠡，澤有委蛇，狀如轂，長
如棘，見之者，霸。
猩猩若黃狗，人面，能言。

異鳥

崇丘山有鳥，一足，一翼，一目，相得而飛，名曰蜃。蜃則
吉良，乘之壽千歲。

比翼鳥，一青一赤，在參岬山。
有鳥如鳥，文首，白喙，赤足，曰精衛。故精衛常取西山
之木石，以填東海。

越地深山有鳥，如鳩，青色，名曰冶鳥。穿大樹作巢，如
升器，其戶口徑數寸，周飾以土堊，赤白相次，狀如
射侯。伐木見此樹，卽避之去。或夜冥，人不見鳥，鳥

亦知人不見已也。鳴曰咄咄去。明日便宜急上樹去。咄咄下去。明日便宜急下。若使去。但言笑而不已者。可止伐也。若有穢惡。及犯其止者。則虎通夕來守人。不知者。卽害人。此鳥白日見其形。鳥也。夜聽其鳴。人也。時觀樂。便作人悲喜。形長三尺。澗中取石蟹。就人火間炙之。不可犯也。越人謂此鳥爲越祝之祖。

異蟲

南方有落頭蟲。其頭能飛。其種人常有所祭祀。號曰蟲落。故因取之焉。以其飛因服便去。以耳爲翼。將曉還復著體。吳時往往得此人也。

江南山谿中水射。上蟲甲類也。長一二寸。口中有弩形。氣射人影。隨所著處。發瘡不治。則殺人。今鸚鵡。

蟲。溺人影。亦隨所著處。生瘡。

盧氏曰。以鷄腸草搗塗經日。卽愈。周日用。

曰。萬物皆有所相感。愚聞以霹靂木擊鳥影。其鳥應時落地。雖未嘗試。以是類知必有之。

蝮蛇。秋月毒盛。無所蜚螫。啣草木。以泄其氣。草木卽死。人樵採。設爲草木所傷刺者。亦殺人。毒治於蝮。齧謂之蛇迹也。

華山有蛇名肥遺六足四翼見則天下大旱
常山之蛇名率然有兩頭觸其一頭頭至觸其中則
兩頭俱至孫武以喻善用兵者

異魚

南海有鱐魚狀似鼉斬其頭而乾之去齒而更生如
此者三乃止

東海有半體魚其形狀如牛剝其皮懸之潮水至則
毛起潮去則毛伏

東海蛟錯魚生子子驚還入母腸尋復出

吳王江行食鱠有餘棄於中流化為魚今魚中有名

吳王鱠餘者長數寸大者如箸猶有鱠形

廣陵陳登食鱠作病華佗下之膾頭皆成蟲尾猶是

鱠

東海有物狀如凝血從廣數尺方員名曰鮓魚無頭
目處所內無藏衆蝦附之隨其東西人煮食之

異草木

太原晉陽以化生屏風草

海上有草焉名篩篩音師其實食之如太麥七月稔熟

名曰自然谷。或曰禹餘糧。

堯時有屈佚草。生於庭。佞人入朝。則屈而指之。一名指佞草。

右詹山帝女。化為詹草。其葉鬱茂。其華黃實如豆。服者媚於人。

止此山多竹。長千仞。鳳食其實。去九疑萬八千里。

江南諸山郡中。大樹斷倒者。經春夏生菌。謂之樵。食之有味。而忽毒殺人。云此物往往自有毒者。或云蛇所著之。楓樹生者。啖之令人笑不得止。治之飲

王漿即愈

物性

蟻者胎化。八竅者卵生。龜鼈皆此類。或卵生影伏

曰鷓。雄雌相似。則孕。或曰雄鳴。上風則雌孕。

兔舐毫。望月而孕。月中吐子。舊有此說。余自所見也。

大腰無雄。龜鼈類也。無雄與蛇。通氣則孕。細腰無雄

蜂類也

是人

指依草

詹山帝女化為詹草其葉鬱茂其華黃實如豆服者媚於人

山多竹長千仞食其實去九疑萬八千里

山郡中大樹斷倒者經春夏生菌謂之榷食

之有味而忽毒殺人云此物往往自有毒者或云

平蕪消愈

博物志卷之四

物性

九竅者胎化八竅者卵生龜鼈皆此類或卵生影伏

白鷓雄雌相似則孕或曰雄鳴上風則雌孕

虎舐毫望月而孕口中吐子舊有此說余自所見也

大腰無雄龜鼈類也無雄與蛇通氣則孕細腰無雌

蜂類也

取桑蠶則阜螽子呢而成子詩云螟蛉之子螺贏負

之是也

蠶三化先孕而後交不交者亦產子子後爲蠶皆無
看目易傷收採亦薄

鳥雌雄不可別翼右掩左雄左掩右雌二足而翼謂
之禽四足而毛謂之獸

鵲巢門戶背大歲得非才智也
鵲雉長毛雨雪惜其尾栖高樹杪不敢下食往往餓

助燥氣故方術家以鵲巢中舉石
鵲水鳥也伏卵時卵冷則不沸取舉石周繞卵以時

山鷄有美毛自愛其色終日映水日眩則溺
龜三千歲遊於蓮葉巢於卷耳之上

屠龜解其肌肉唯腸連其頭而經日不灰猶能齧物
烏往食之則爲所得漁者或以張鳥神蛇復續

鱗鱒以背行快於足
周官云貉不渡汶水鸚不渡濟水魯國無鸚鴒來巢

記異也
橘渡江北化爲枳今之江東甚有枳橘

百足一名馬蛭中斷成兩段各行而去

物理

凡月暈隨灰畫之隨所畫而闕

淮南子云未詳其法

麒麟鬪而日蝕鯨魚死則慧星出嬰兒號婦乳出

莊子曰地三年種蜀黍其後七年多蛇

積艾草三年後燒津液下流成鉛錫已試有驗

煎麻油水氣盡無煙不復沸則還冷可內手攪之得

水則焰起散卒不滅此亦試之有驗

庭州灑水以金銀鐵器盛之皆漏唯瓠葉不漏

龍肉以醢漬之則文章生

積油滿萬石則自然生火武帝泰始中武庫火積油

所致

物類

燒鉛錫成胡粉猶類也

燒丹朱成水銀則不類物同類異用者

○石 魏文帝所記諸物相似亂者

武夫怪石似美玉 蛇床亂靡蕪

薺萇亂人參 杜衡亂細辛

雄黃似石流黃 鱖魚相亂以有大小異相

敵休亂門冬。

百部似門冬。

房葵似狼毒。

鉤吻草與荇蕒相似。

拔揆與草薺相似一名狗脊。

藥物

烏頭天雄附子一物春秋冬夏採各異也。

遠志苗曰小草根曰遠志。

芎藭苗曰江薺根曰芎藭。

菊有二種苗花如一唯味小異苦者不中食。

野葛食之殺人家葛種之三年不收後旅生亦。

食

神仙傳云松柏脂入地千年化為茯苓。茯苓化為琥珀。

琥珀一名江珠。今泰山出茯苓而無琥珀。益州

永昌出琥珀而無茯苓。或云燒蜂巢所作未詳此

二說

地黃藍首斷心分根菜種皆生女蘿寄生鬼絲鬼絲

寄生木上生根不著地。

董花朝生夕死。

藥論

神農經曰。上藥養命。為五石之練形。六芝之延年也。
中藥養性。合歡蠲忿。萱草忘憂。下藥治病。謂大黃
除實。當歸止痛。夫命之所以延。性之所以利。痛之
所以止。當其藥。應以痛也。違其藥。失其應。即怨天
尤人。設鬼神矣。

神農經曰。藥物有大毒。不可入口。鼻耳目者。即殺人。

一曰鈎吻。

盧氏曰。陰也。黃精不相連根。苗獨生者。是也。二曰鴟狀。如雌鷄。生中山。三曰

命。赤色。著木懸。其子。山海中。四曰內童。狀如鷲。亦生海中。五曰鳩羽。如雀。黑頭赤喙。亦曰螭。蟪生。中雄曰螭。雌曰螭。蟪也。

神農經曰。藥種有五物。一曰狼毒。占斯解之。二曰巴

豆。藿汁解之。三曰黎盧。湯解之。四曰天雄。烏頭。大

豆。解之。五曰班茅。戎鹽解之。毒采。害小兒。乳汁解

先。食飲二升。

食忌

人啖豆。三年。則身重。行止難。

啖榆。則眠。不欲覺。

啖麥。稼。令人力健。行。

飲真茶。令人少眠。

人常食小豆令人肥肌麤燥

食鷲麥令人骨節斷解

人食鷲肉不可食水為蛟龍所吞

人食冬葵為狗所齧瘡不差或致死

馬食穀則足重不能行

雁食粟則翼重不能飛

藥術

胡粉白石灰等以水和之塗鬢鬚不白塗訖著油單

裏令溫煖候欲燥未燥間洗之湯則不得著晚

多折用暖湯洗訖澤塗之欲染當熟洗鬢鬚有膩

不著藥臨染時亦當拭鬢燥溫之

陳葵子微火炒令燥啗散著熟地遍蹋之朝種暮生

遠不過經宿耳

陳葵子秋種覆蓋令經冬不死春有子也

周日用曰愚聞熟地

植生菜蘭檮石流黃篩於其上以盆覆之俾時可待又以變白牡丹為五色皆以沃其根以紫草汁則變之紫紅花卉則變紅並木試於理可焉此出爾雅

燒馬蹄羊角成灰春夏散著濕地生羅勒

蟹漆相合成為神仙藥服食方云

戲術

削木令圓舉以向日以艾於後承其影則得火
取火法如用珠取火多有說者此未試

神農本草云雞卵可作琥珀其法取伏卵段黃白渾
雜者煮及尚軟隨意刻作物以苦酒漬數宿既堅
內著粉中佳者乃亂真矣此世所恒用作無不成
者

燒白石作白灰既訖積著地經日俱冷遇雨及水澆
即便燃煙焰起

五月五日埋蜻蜓頭於西向戶下埋至三日不食則
化成青真珠又云埋於正中門

蜥蜴或各蝦蟇以器養之以朱砂體盡赤所食滿七
斤治禱萬杵點女人支體終年不滅唯房室事則
滅故號守宮傳云東方朔漢武帝試之有驗

取鼈挫令如碁子大禱赤菟汁和合厚以茅苞五六
日中作投地中經旬鬱鬱盡成鼈也

博物志卷之四 終

取日中射對中絲會鬱鬱盡氣鬱也
以蠶絲令吸其平大蠶亦莫我味合氣以榮莖正六
為姑蠶官宮也安東式順對流帝對以春劍既降
武帝對萬竹無文入支蠶絲平不為那氣室專四
泐對迥各馳與以器養之以米如蠶盡赤河食蠶子
此外青真相又去地然五中四以令遇雨及水
正民正日地融與而然西向又不地至三廿不食眼

博物志卷之五

方士

魏武帝好養性法亦解方藥招引四方之術士如左

元放華佗之徒無不畢至

周日用曰曹雖好奇而心道異如何招引方術之人乎如囚左元放而兼見殺者若非變化已至滅身故有道者不合親之矣既要試術即可乎

魏王所集方士名

上黨王真

隴西封君達

甘陵甘始

魯女生

譙國華佗字元化

東郭延年

唐書

冷壽光

河南卜式

張紹

薊子訓

汝南費長

鮮奴辜

魏國軍吏河南趙聖卿

陽城郟儉字孟節

廬江左慈字元放

右十六人。魏文帝東阿王、仲長統所說，皆能斷穀不食，分形隱沒，出入不由門戶。左慈能變形，幻人視聽，厭刻鬼魅，皆此類也。周禮所謂怪民，王制稱挾左道者也。

魏時方士甘陵甘始。

廬江有左慈。陽城有郟儉。始能行氣導引，慈曉房中之食，善辟穀不食，悉號二百歲人。凡如此之徒，武帝皆集之於魏，不使遊散。甘始老而少容，曹子建密問其所行，始言本師姓韓，字世雄，嘗與師於南海，作金投數萬斤於海，又取鯉魚一雙，鯉遊行沈浮，有若處淵，其無藥者已熟而食，言此藥去此踰遠萬里，已不可行，不能得也。

皇甫隆遇青牛道士，姓封，名君達，其餘養性法，即可

及用大略云體欲常少勞無過虛食去肥濃節酸鹹減思慮損喜怒除馳逐慎房室施瀉秋冬閉藏別篇武帝行之有效

文帝典論曰陳思王曹植辯道論云世有吾王悉招至之甘陵有甘始廬江有左慈陽城有郗儉始能行氣儉善辟穀悉號三百歲人自王與太子及余之兄弟咸以爲調笑不全信之然嘗試郗儉辟穀百日猶與寢處行步起居自若也夫人不食七日則歿而儉乃能如是左慈修房中之術可以終命

然非有至情莫能行也甘始老而少容自諸術士咸共歸之王使郗孟節主領諸人

近魏明帝時河東有焦生者裸而不衣處火不焦入

水不凍杜恕爲太守親所呼見皆有實事

周日用曰焦孝然居河居一菴大雪菴倒人已爲歿而視之蒸氣於雪略無變色時或折薪惠人而亡故魏書云自

義皇以來一人而已

穎川陳元方韓元長時之通才者所以並信有仙者

其父時所傳聞河南密縣有成公其人出行不知

所至復來還語其家云我得仙因與家人辭訣而

去其步漸高，良久乃沒而不見。至今密縣傳其仙去。二君以信有仙，蓋由此也。周日用日豈惟二子乎

桓譚新論說方士有董仲君罪繫獄，佯死臭自陷出，既而復生。

黃帝問天老曰：天地所生，豈有食之令人不死者乎？

天老曰：太陽之草名曰黃精，餌而食之，可以長生。

太陰之草名曰鉤吻，不可食，入口立死人。信鉤吻

之，殺人，不信黃精之益壽，不亦惑乎？周日用日草既殺人仍無

益壽者也若殺人無驗則益壽不可信矣

服食

左元放荒年法：擇大豆麤細調勻，必生熟按之，令有

光煙氣，徹豆心內，先不食一日，以冷水頓服訖，其

魚肉菜果，不得復經口，渴即飲水，慎不可煖飲，初

小困十數日，後體力壯健，不復思食。

鮫法服：三升為劑，亦當隨食先食多少，增損之，盛豐

欲還者，煮葵子及脂蘇，服肉羹，漸漸飲之，須豆下

乃可食，豆未盡而以實物腸塞，則殺人矣。此未試

或可以然。周日用日一說：臍塗黏餅炙餅，令熱即塗之以意，量多少即食之，如常渴即飲。

冷水忌
熱茶耳

孔子家語曰。食水者乃耐寒而苦。浮食土者無心不
息。食木者多而不治。食石者肥澤而不老。食草者
善走而愚。食桑者有緒而蛾。食肉者勇而悍。食氣
者神明而壽。食穀者智慧而天。不食者不死。而神
仙傳曰。雜食者百病妖邪之所鍾焉。

西域有蒲萄酒。積年不敗。彼俗云。可十年飲之。醉彌
月乃解。

所食逾少。心開逾益。所食逾多。心逾塞。年逾損焉。

辨方士

漢淮南王謀反被誅。亦云得道輕舉。

周日用曰。漢書云。淮南自刑應

不然乎。得道輕舉。非虛事也。至今維揚境內。馬迹猶存。且日與成公同處。皆上品真人耳。既談道德。肯圖叛逆之事。况恒行陰。肯好書鼓。不善弋獵。淮南內書言。神仙黃白之術。去反事遠矣。夫古今書傳多黜仙道者。慮帝王公侯廢萬幾。而慕其道。故隱而不書。唯老聃不可掩。而云二百歲後。西遊流沙。不知所之。庾書云。蜀有女道士謝自然。白日上昇。此外歷代史籍。未嘗言也。

鉤弋夫人被殺於雲陽。而言尸解。柩空。

周日用曰。史云。夫人被大

風拔樹。揚沙揭石。亦不云尸解。柩空。

文典論云。議郎李覃。學郤儉。辟穀。食茯苓。飲水中不

寒洩痢殆至殞命。軍祭酒弘農董芬學甘始。鴟視
狼頭。呼吸吐納。爲之過差。氣閉不通。良久乃蘇。寺
人巖峻。就左慈學補導之術。闔豎真無事於斯。而
逐聲若此。

又云王仲統云。甘始。左元放。東郭延年。行容成御婦
人法。並爲丞相所錄。間行其術。亦得其驗。降就道
士劉景受雲母九子元方。年三百歲。莫之所在。武
帝恒御此藥。亦云有驗。劉德治淮南王獄。得枕中
鴻寶秘書。及子向咸而奇之。信黃白之術可成。

神仙之道可致。卒亦無驗。乃以罹罪也。

周日用曰
神仙之道

學之匪一朝一夕而可得黃白者也。仍須有
分昇騰者。應須有骨安可。偶然而得効也。

劉根不覺饑渴。或謂能忍盈虛。王仲都當盛夏之月。
十鑪火灸之不熱。當嚴冬之時。裸之而不寒。恒山
君以爲性耐寒暑。恒山以無仙道。好奇者爲之。前
者已述焉。

司馬遷云。無堯以天下讓許由事。揚雄亦云。誇大者
爲之。揚雄又云。無仙道。桓譚亦同。

身法病始至殞命... 蘇寺
春登燕燕

又豈以為此極寒暑... 大讎火炎之不... 隱跡不覺...
余畏蠶... 學之明... 輒... 馬... 日...

博物志卷之六

人名攷

昔彼高陽是生伯鯨布土取帝之息壤以填洪水

殷三仁微子箕子比干

文王四友南宮括散宜生閎夭太顛仲尼四友顏淵

子貢子路子張

曹參字伯敬

蔡伯喈母袁公妹曜卿姑也

古之善射者甘蠅蠅之笱子曰飛衛

平原管輅善卜筮解鳥語

蔡邕有書萬卷漢末年載數車與王粲粲亡後相國
椽魏諷謀反粲子與焉既被誅邕所與粲書悉入
粲族子葉字長緒卽正宗父正宗卽輔嗣兄也初
粲與族兄凱避地荊州依劉表表有女表愛粲才
欲以妻之嫌其形陋周率乃謂曰君才過人而體
貌躁非女葺才凱有風貌乃妻凱生葉卽女所生
太丘長陳寔寔子鴻臚卿紀紀子司空羣羣子泰四
世於漢魏二朝有重名而其德漸小減故時人爲

其語曰公慙卿卿慙長

文籍攷

聖人制作曰經賢者著述曰傳鄭玄注毛詩曰箋不
解此意或云毛公嘗爲北海郡守玄是此郡人故
以爲敬

何休注公羊傳云何氏學又不能解者或答云休謙
詞受學於師乃宜此義不出於已此言爲允

太古書今見存有神農經山海經或云禹所作周易

蔡邕云禮記月令周公作
周日用曰禮記疏云第
一是呂不韋春秋明呂

氏所制蔡邕云
周公未之詳也

謚法司馬法周公所作

余友下邳陳德龍謂余言曰靈光殿賦南郡宜城王子山所作子山嘗之泰山從鮑子真學算過魯國而都殿賦之還歸本州溺死湘水時年二十餘也

地理攷

周自后稷至於文武皆都關中號為宗周秦為阿房殿在長安西南二十里殿東西千步南北三百步上可以坐萬人庭中受十萬人二世為趙高所殺於宜春宮在杜城南三里葬於旁

周時德澤盛蒿大以為宮柱名曰蒿宮

姜厚嗣祠在墉城長安西南三十里

盜跖冢在大陽縣西

趙鞅冢在臨水縣界

始皇陵在驪山之北高數十丈周迴六七里今在陰

盤縣界北陵雖高大不足以銷六丈冰背陵鄣使

東西流又此山名逆取大石於渭北渚故歌曰運

石甘泉口渭水為不流千人唱萬人鈎金陵餘石

大如樞土屋其銷功力皆如此類

盧氏曰秦氏奢
後自知葬用珍

實多故高作陵園山麓從難發也高則難上固
則難攻項羽爭衡之時發其陵未詳其至棺否

舊洛陽字作水邊各火行也忌水故去水而加佳又

魏於行次為土水得土而流土得水而柔故復佳

加水變雒為洛焉

洞庭君山帝之二女居之曰湘夫人又荊州圖經曰

湘君所遊故曰君山

南荆賦江陵有臺甚大而有一柱眾木皆拱之

典禮攷

三讓一曰讓禮二曰固讓三曰終讓

漢丞秦羣臣上書皆曰昧死言

王莽盜位慕古去昧死曰稽首光武因而不改

肉刑明王之制荀卿每論之至漢文帝感太倉公女

之言而廢之班固著論互復迄漢末魏初陳紀又

論宜申古制孔融云不可復欲申之鍾繇王朗不

同遂寢夏侯玄李勝曹羲丁謚建私議各有彼此

多去時未可復故遂追焉

上公備物九錫一大輅各一玄牡二駟二裘冕之服

赤舄副之。三軒懸之樂。六佾之舞。四朱戶以居。五納陛以登。六虎賁之士三百人。七鈇鉞各一。八彤弓一。彤矢百。旅弓十。旅矢千。九柶鬯一。卣。珪。瓚。副之。

樂攷

漢木喪亂。無金石之樂。魏武帝至漢中。得杜夔舊法。始後設軒懸鐘磬。至於今用之於夔也。

服飾攷

漢末喪亂。絕無玉佩。始復作之。今之玉佩。受於王粲。古者男子皆絲衣。有故乃素服。又有冠無幘。故雖凶事皆著冠也。

漢中興士人皆冠葛巾。建安巾。

魏武帝造白帟。於是遂廢。唯二學書生猶著也。

器名攷

寶劍名鈍。鉤。湛。盧。豪。曹。魚。腸。巨。闕。五劍皆歐冶子所作。龍泉。太阿。上市。三劍皆楚王者。

胡子因吳請于將。歐冶子作于將。陽龍文。莫邪。陰漫。理此二劍。吳王使于將作。莫邪。于將妻也。

夫妻甚喜

也。作劍。

赤刀。周之寶器也。

物名攷

古駿馬有飛兔腰裏。

周穆王八駿

赤驥

飛黃

白蟻

華驪

騄耳 騊駼

渠黃

盜驪

唐公有驪驪

項羽有騅

周日用曰曹公有流影而呂有赤兔皆後來有良駿也

周穆王有犬名耗毛白

晉靈公有畜狗名獒

韓國有黑犬名盧

宋有駿犬曰誰

犬四尺為獒

張騫使西域還乃得胡桃種

徐州人謂塵土為蓬塊吳人謂跋跌

博物志卷之六 終

博物志

卷之六

物名攷

斜限入晴凱上為茲與吳人晴凱翅

飛黃白蟻華驪

盜驪

宋亦翅入口

韓國亦黑入各蠶

晉靈公亦齋修各葵

博物志卷之七

異聞

昔夏禹觀河見長人魚身出曰吾河精豈河伯也

馮夷華陰潼鄉人也得仙道化為河伯豈道何哉仙

夷乘龍虎水神乘魚龍其行恍惚萬里如室

夏桀之時為長夜宮於深谷之中男女雜處十旬不

出聽政天乃大風揚沙一夕填此宮谷又曰石室

瑤臺關龍逢諫桀言曰吾之有民如天之有日日

亡我則亡以為龍逢妖言而殺之其後山復於谷

下及在上者老相與諫桀又以為妖言而殺之
夏桀之時費昌之河上見二日在東者爛爛將起在
西者沉沉將滅若疾雷之聲昌問於馮夷曰何者
為殷何者為夏馮夷曰西夏東殷於是費昌徙疾
歸殷

武王伐紂至盟津渡河大風波武王操戈秉麾麾之
風波立霽

魯陽公與韓戰酣而日暮授戈麾之日日反三舍

太公為灌壇令武王夢婦人當道夜哭問之曰吾是

東海神女嫁於西海神童今灌壇令當道廢我行
我行必有大風雨而太公有德吾不敢以暴風雨
過是毀君德武王明日召太公三日三夜果有疾
風暴雨從太公邑外過

晉文公出大蛇當道如拱文公反修德使吏守蛇吏
夢天殺蛇曰何故當聖君道覺而視蛇則自死也

齊景公伐宋過泰山夢二人怒公謂太公之神晏子
謂宋桓湯與伊尹也為言其狀湯皙容多髮伊尹
黑而短即所夢也景公進軍不聽軍鼓毀公怒散

軍伐宋

徐偃王志云徐君宮人娠而生卵以爲不祥棄之水濱獨孤母有犬名鵠蒼獵於水濱得所棄卵銜以東歸獨孤母以爲異覆煖之遂蛸成兒生時正偃故以爲名徐君宮中聞之乃更錄取長而仁智襲君徐國後鵠蒼臨歿生角而九尾實黃龍也偃王又葬之徐界中今見狗襲偃王旣其國仁義著聞欲舟行上國乃通溝陳蔡之間得朱弓矢以已得天瑞遂因名爲弓自稱徐偃王江淮諸侯皆伏從

伏從者三十六國周王聞遣使乘駟一日至楚使伐之偃王仁不忍聞言其民爲楚所敗逃走彭城武原縣東山下百姓隨之者以萬數後遂名其山爲徐山山上立石室有神靈民人祈禱今皆見存海水西夸父與日相逐走渴飲水河謂不足北飲大澤未至渴而歿棄其策杖化爲鄧林

澹臺子羽渡河齎千金之璧於河河伯欲之至陽侯波起兩鮫挾船子羽左搯璧右操劍擊鮫皆歿旣渡三投璧於河伯河伯躍而歸之子羽毀而去

荆軻字次非、渡鮫夾船、次非不奏、斷其頭、而風波靜

除、周日用曰、余嘗行經荆將軍墓、墓與羊角哀冢鄰、若安伯施云、為荆將軍所伐、乃在此也、其地在苑陵之原、求見其墓碑、將軍名乃作次飛字也

東阿王勇士有蕃丘、訢過神淵、使飲馬、馬沉、訢朝服

拔劍、二日一夜、殺二蛟、一龍而出、雷隨擊之、七日

夜、眇其左目、

漢滕公薨、求葬東都門外、公卿送喪、駟馬不行、跼地

悲鳴、跑蹄下地、得石有銘曰、佳城鬱鬱、三千年見

日日、吁嗟、滕公居此室、遂葬焉、

衛靈公葬得石、槨銘曰、不逢箕子、靈公奪我里、

漢西都時南宮寢殿、內有醇儒王史、威長、歿葬銘曰、

明明哲士、知存知亡、崇隴原壘、非寧非康、不封不

樹、作靈乘光、厥銘何依、王史威長、

元始元年、中謁者沛郡史岑、上書訟王宏奪董賢壘

綬之功、靈帝和光元年、遼西太守黃翻、上言海邊

有流屍、露冠絳衣、體貌完全、使翻感夢云、我伯夷

之弟、孤竹君也、海水壞、吾棺、擲求見、掩藏、民有襁

褌視、皆無疾而卒、

漢末關中大亂，有發前漢時冢者，人猶活。既出，平復如舊。魏郭后愛念之，錄著宮內，常置左右。問漢時宮中事，說之了了，皆有次序。后崩，哭泣過禮，遂歿焉。

漢末發范友明冢，奴猶活。友明霍光女，說光家事，廢立之際，多與漢書相似。此奴常遊走於民間，無止住處，今不知所在。或云尚在，余聞之，於人可信，而目不可見也。

大司馬曹休所統中郎謝璋部曲，義兵奚儂，恩女年四歲，病沒，故埋葬。五日復生，太和三年，詔令休使父母同時送女來視。其年四月三日病歿，四日埋葬。至八日，同墟入採桑，聞兒生活，今能飲食如常。京兆都張潛，客居遼東，還後爲駙馬都尉，關內侯。表言故爲諸生太學時，聞故太尉常山張顛爲梁相，天新雨後，有鳥如山鵲，飛翔近地，市人擲之，稍下。墮民爭取之，卽爲一員石，言縣府顛令搥破之，得一金印，文曰忠孝侯，印顛表上之，藏於官庫。後議郎汝南樊行夷，校書東觀表上言堯舜之時，舊有

此官今天降印宜可復置

孝武建元四年天雨粟孝元景寧元年南陽陽郡雨穀小者如黍粟而青黑味苦大者如大豆赤黃味如麥下三日生根葉狀如大豆初生時也代城始築立板幹一旦亡西南四五十板於澤中自立結草爲外門因就榮築焉故其城直周三十七里爲九門故城處爲東城

博物志卷之七

終

博物志卷之八

史補

黃帝登仙其臣左徹者削木象黃帝帥諸侯以朝之七年不還左徹乃立顓頊左徹亦仙去也

堯之二女舜之二妃曰湘夫人舜崩二妃啼以涕揮竹竹盡斑

處士東鬼塊責禹亂天下事禹退作三章彊者攻弱者守敵戰城郭蓋禹始也

大妣夢見商之庭產棘乃小子發取周庭梓樹樹之

于闕聞梓化爲松栢。椽杵覺驚，以告文王。文王曰：慎勿言。冬日之陽，夏日之餘，不召而萬物自來。天道尚左，日月西移；地道尚右，水潦東流。天不享於殷，自發之。夫生於今十年，禹羊在牧，水潦東流，天下飛鴻滿野。日之出地，無移照乎？

武王伐殷，舍於幾逢，大雨焉。衰輿三百乘，甲三千，一日一夜行三百里，以戰於牧野。

成王冠，周公使祝雍曰：辭達而勿多也。祝雍曰：近於民，遠於侯，近於義，嗇於時，惠於財，任賢使能，陛下

摛顯先帝光耀，以奉皇天之嘉祿。欽順仲壺之言，曰：遵並大道，郊域康阜，萬國之休靈。始明元服，推遠童稚之幼志，弘積文武之就德。肅懃高祖之清廟，六合之內靡不蒙德。歲歲與天無極，右孝昭用成。王冠辭。

止雨祝曰：天生五穀以養人民，今天雨不止，用傷五穀。如何如何，靈而不幸，殺牲以賽神靈，雨則不止。鳴鼓攻之，朱綠繩繫而脅之。

請雨曰：皇皇上天，照臨下土，集地之靈，神降甘雨，庶

物羣生咸得其所。

禮記曰孔子少孤不知其父墓母亡問於鄒曼父之
母乃合葬於防防墓又崩門人後至孔子問來何
遲門人實對孔子不應如是者三乃潛然流涕而
止曰古不脩墓蔣濟何晏夏侯玄王肅皆云無此
事注記者謬時賢咸從之周日用曰四士言無者
後有何理而述之在愚
所見實木之有矣且徵在與梁紇野合而生事多
隱之況我丘生而父已死既隱何以知之非問曼
父之母安得
合葬於防也

孔子東遊見二小兒辯鬪問其故一小兒曰我以日

始出時去人近而日中時遠也一小兒曰以日出

而遠而日中時近一小兒曰日初出時大如車蓋

及日中時如盤盂此不為遠者小而大者近乎一

小兒曰日初出滄滄涼涼及其中而探湯此不為

近者熱而遠者涼乎孔子不能決謂兩小兒曰孰

謂汝多知乎亦出列子周日用曰且當中向熱者
炎氣直下也譬猶火氣直

上而與旁暑其炎涼可悉耳是明初
出近而當中遠矣豈聖人肯對乎

子路與子貢過鄭神社社樹有鳥神牽率子路子貢

說之乃止

春秋哀公十四年春西狩獲麟公羊傳曰有以告者
孔子曰孰為來哉孰為來哉盧曰以其時非應故孔子泣而感之麟曰

生三策蓋天使報聖人

左傳曰叔孫氏之車子鉏商獲麟以為不祥

丹質於秦秦王遇之無禮不得意思欲歸請

於秦王王不聽諺言曰令烏頭白馬生角乃可丹

仰而歎烏即頭白俯而嗟馬生角秦王不得已而

遣之為機發之橋欲陷丹丹驅馳過之而橋不發

道到關關門不開丹為雞鳴於是眾雞悉鳴遂

詹何以獨繭絲為綸芒斜為鉤荆篠為竿割粒為餌

引盈車之魚於百仞之淵泪流之中綸不絕鉤不

申竿不撓

薛譚學謳於秦青未窮青之旨於一日遂辭歸秦青

乃餞於郊衢撫節悲歌聲震林木響遏行雲薛譚

乃謝求返終身不敢言歸秦青顧謂其友曰昔韓

娥東之齊遺糧過雍門鬻歌假食而去餘響遶梁

三日不絕左右以其人弗去過逆旅凡人辱之韓

娥因曼聲哀哭一里老幼喜歡抃舞弗能自禁乃

厚賂而遺之，故雍門人至今善歌哭，效娥之遺聲也。

趙襄子率徒十萬，狩於中山，藉芳燔林，扇赫百里有，大從石壁中出，隨煙上下，若無所之。經涉者，襄子以爲物，徐察之，乃人也。問其奚道而處石，奚道而入火，其人曰：奚物爲火，其人若不知也。魏文侯聞之，問於子夏曰：彼何人哉？子夏曰：以商所聞於夫子，和者同於物，物無得而傷，閱者遊金石之間，及蹈於水火，皆可也。文侯曰：吾子奚不爲之？子夏曰：

刳心知智商，未能也。雖試語之，而卽暇矣。文侯曰：夫子奚不爲之？子夏曰：夫子能而不爲，文侯不悅。更羸謂魏王曰：臣能射爲虛發而下鳥。王曰：然可於此乎？曰：聞有鳥從東來，羸虛發而下之也。

澹臺子羽子溺水死，欲葬之。滅明曰：此命也，與螻蟻何親，與魚鼈何讎，遂使勿葬。

列傳云：聶政刺韓相白虹爲之貫，日要離刺慶忌，彗星襲月，專諸刺吳王僚，鷹擊殿上。

齊桓公出，因與管仲故道，自燉煌西涉流沙，往外國。

沙石千餘里中無水時則有沃流處人莫能知皆乘駱駝駱駝知水脉遇其處輒停不肯行以足蹋地人於其蹋處掘之輒得水

楚熊渠子夜行射窮石以爲伏虎矢爲沒羽

漢武帝好仙道祭祀名山大澤以求神仙之道時西王母遣使乘白鹿告帝當來乃供帳九華殿以待之七月七日夜漏七刻王母乘紫雲車而至於殿西南面東向頭上戴七種青氣鬱鬱如雲有三青鳥如烏犬使侍母旁時設九微燈帝東面西向王

母索七桃大如彈丸以五枚與帝母食二枚帝食桃輒以核著膝前母曰取此核將何爲帝曰此桃甘美欲種之母笑曰此桃三千年一主實唯帝與母對坐其從者皆不得進時東方朔竊從殿南廂朱鳥牖中窺母母顧之謂帝曰此窺牖小兒嘗三來盜吾此桃帝乃大怪之由此世人謂方朔神仙也

君山有道與吳包山潛通上有美酒數斗得飲者不死漢武帝齋七日遣男女數十人至君山得酒欲

飲之東方朔曰臣識此酒請視之因一飲致盡帝
欲殺之朔乃曰殺朔若死此爲不驗以其有驗殺
亦不死乃赦之

博物志卷之八

終

博物志卷之九

雜說上

老子云萬民皆付西王母唯王聖人真人道人
之命上屬九天君耳

黃帝治天下百年而死民畏其神百年以其數百年
故曰黃帝三百年上古男三十而妻女二十而嫁
曾子曰弟子不學古知之矣貧者不勝其憂富者
不勝其樂

昔西夏仁而去兵城廓不修武士無位唐伐之西夏

云昔者玄都賢鬼神道廢人事其謀臣不用龜策
是從忠臣無祿神巫用國

榆爛氏之君孤而無使曲沃進伐之以亡

昔有巢氏有臣而貴任之專國主斷也而奪之臣怒
而生變有巢以民昔者清陽彊力貴美女不治國
而亾

昔有洛氏宮室無常囿池廣大人民困匱商伐之有
洛以亾

神仙傳曰說上據辰尾爲宿歲星降爲東方朔傳說

死後有此宿東方生無歲星

曾子曰好我者知吾美矣惡我者知吾惡矣

思士不妻而感思女不夫而孕后稷生乎巨跡伊尹
生乎空桑

箕子居朝鮮其後伐燕之朝鮮亡入海爲鮮國師兩
妻墨色珥兩青蛇蓋勾芒也

漢興多瑞應至武帝之世特甚麟鳳數百王莽時郡
國多稱瑞應歲歲相尋皆由順時之欲承者求媾
多無實應乃使人猜疑

子胥伐楚燔其府庫破其九龍之鍾

著一千歲而三百莖其本以老故知吉凶著未大於本爲上吉莖必沐浴齋潔食香每日望浴著必五浴之浴龜亦然明夷曰昔夏后莖乘飛龍而登於天而牧占四華陶陶曰吉昔夏啓莖徙九鼎啓果徙之

昔舜莖登天爲神牧占有黃龍神曰不吉武王伐殷而牧占著老著老曰吉桀莖伐唐而牧占熒惑曰不吉昔鮌莖注洪水而牧占大明曰不吉有初無

後

著未大於本爲卜吉次蒿次荆皆如是龜著皆月莖浴之

水石之怪爲龍罔象木之怪爲躩罔兩土之怪爲獫羊火之怪爲宋無忌

鬪戰死亡之處其人馬血積年化爲燐燐著地及草木如露略不可見行人或有觸者著人體便有光拂拭便分散無數愈甚有細咤聲如炒豆唯靜處良久乃滅後其人忽忽如失魂經日乃差今人梳

頭脫著衣時有隨梳解結有光者亦有咤聲
風山之首方高三百里風穴如電突深三十里春風
自此而出也何以知還風也假令東風雲反從西
來詵詵而疾此不旋踵立西風矣所以然者諸風
皆從上下或薄於雲雲行疾下雖有微風不能勝
上上風來則反矣
春秋書鼯鼠食郊牛牛死鼠之類最小者食物當時
不覺痛世傳云亦食人項肥厚皮處亦不覺或名
甘鼠俗人諱此所嚙衰病之徵

鼠食巴豆三年重三十斤

頭脫... 志卷之十

風山之首左高三百里風穴如窟突深三十里春秋

自此而出也何以知還風也假令東風雲反從西

來詭詭而疾此不旋踵立西風矣所以然者諸風

皆從上下或薄於雲雲行疾下雖有微風不能勝

上風來則反矣

春秋書麋鼠食芻牛牛死鼠之類最小者食物當時

不覺痛世傳云亦食人項肥厚皮處亦不覺或各

十鼠於人諱此所齒衰病之徵

鼠食芻豆三斗重三十斤

博物志卷之十

雜說下

婦人妊娠未滿三月著壻衣冠平日左遶井三匝映

詳影而去勿反顧勿令人知見必生男

周日用日知女則可

依法或先是男如何余聞有定法定母年月日與受胎時日算之遇奇則為男遇偶則為女知為女

後即可依法

婦人妊娠不欲令見醜惡物異類鳥獸食當避其異

常味不欲令見熊羆虎豹御及鳥射射雉食牛心

白犬肉鯉魚頭席不正不坐割不正不食聽誦詩

書諷詠之音不聽淫聲不視邪色以此產子必賢
明端正壽考所謂父母胎教之法

盧氏曰子之得清味滋液則生

仁聖謂錯亂之年則生貪淫子因之氣也

故古者婦人妊娠必慎所感

感於善則善惡則惡矣妊娠者不可啖兔肉又不
可見兔令兒唇缺又不可啖生薑令兒多指

異說云瞽叟夫婦兇頑而生舜叔梁紇淫夫也徵在

失行也加又野合而生仲尼焉其在有胎教也

盧氏

曰夫甲及寅申生者聖以年在歲德在甲寅壬申生者則然矣亦由先天也亦由父母氣也古者元氣清故多聖今者俗淫陰濁故無聖人也

豫章郡衣冠人有數婦暴面於道尋道爭分銖以給

其夫輿馬衣資及舉孝廉更取富者一切皆給先

者雖有數年之動婦子滿堂室猶放黜以避後人

諸遠方山郡幽僻處出蜜臈人往往以桶聚蜂每年

一取

遠方諸山蜜臈處以木爲器中開小孔以蜜臈塗器

內外令遍春月蜂將生時捕取三兩頭著器中

蜂飛去尋將伴來經日漸益遂持器歸

人藉帶眠者則夢蛇

鳥銜人之髮夢飛

王爾張衡馬均昔胃重霧行一人無恙一人病一人
死問其故無恙人曰我飲酒病者食死者空腹
人以冷水水自漬至膝可頓啖數十枚瓜漬至腰啖
轉多至頸可啖百餘枚所漬水皆作瓜氣味此事
未試人中酒不解治之以湯自漬卽愈湯亦作酒
氣味也

昔劉玄石於中山酒家酤酒酒家與千日酒忘言其
節度歸至家當醉而家人不知以爲死也權葬之

酒家計千日滿乃憶玄石前來酤酒醉向醒耳往
視之云玄石已來三年已葬於是開棺醉始醒俗
云玄石飲酒一醉千日

舊說云天河與海通近世有人居海渚者年年八月
有浮槎去來不失期人有奇志立飛閣於查上多
齎糧乘槎而去十餘日中猶觀星月日辰自後茫
茫忽忽亦不覺晝夜去十餘日奄至一處有城郭
狀屋舍甚嚴遙望宮中多織婦見一丈夫牽牛渚
次飲之牽牛人乃驚問曰何由至此此人具說來

意并問此是何處，答曰：君還至蜀郡，訪嚴君平，則知之。竟不上岸，因還如期。後至蜀，問君平曰：某年月日，有客星犯牽牛宿，討年月，正是此人到天河時也。

人有山行墮深澗者，無出路，飢餓欲死。左右見龜蛇甚多，朝暮引頸向東方，人因伏地學之，遂不飢，體殊輕便，能登巖岸。經數年後，竦身舉臂，遂超出澗上，即得還家，顏色悅懌，頗更黠慧。勝故，還食穀，啖滋味，百餘日中復本質。

天門郡有幽山峻谷，而其土人有從下經過者，忽然踊出林表，狀如飛仙，遂絕迹。年中如此甚數，遂名此處爲仙谷。有樂道好事者，入此谷中洗沐，以求飛仙，往往得去。有長意思人，疑必以妖怪，乃以大石自墜，牽一犬入谷中，犬復飛去。其人還告鄉里，募數十人執杖搗山草，伐木至山頂觀之，遙見一物長數十丈，其高隱人耳如簸箕，格射刺殺之，所吞人骨積此左右，有成封。鱗開口廣丈餘，前後失人，皆此鱗氣所喻。於是諸地遂安穩無患。

大者則粗，餘則細，不似長滿，則發發無意，平則
 尋人骨，骨也，然其性，雖開，可謂之，骨節，夫
 外具，瘦平，長其，高，入耳，吸，類，其，林，博，陳，絲，之，西
 慕，樓，十人，蜂，林，山，草，木，至，山，頂，購，之，豈，見，一
 人，百，自，劉，率，一，天，大，谷，中，失，其，乘，去，其，人，豈，吾，嶽，里
 乘，山，於，於，野，去，有，其，意思，人，豈，必，以，我，對，以，大
 地，豈，為，山，谷，有，樂，豈，我，事，音，入，此，谷，中，我，林，以，米
 龍，出，林，表，其，吸，乘，山，豈，絲，極，平，中，吸，此，其，樓，豈，各
 天，門，清，水，幽，山，剡，谷，而，其，土，入，休，豈，不，豈，豈，音，豈，然

